



Nuuk 18. marts 2015
UPA 2015/85

Uunga siunnersuut: Nioqqutissanik eqqussuineq annissuinerlu pillugit Inatsisartut inatsisaata allanngortinneqarneranik Inatsisartut inatsisaat (Aningaasaqarnermut Aatsitassanullu Naalakkersuisoq)

Nioqqutissanik eqqussuineq annissuinerlu pillugit Inatsimmut allannguutissanut siunnersuutit Inuit Ataqatigiinniit isumaqatigaagut. Isumaqaaratta siunnersuutitsinnut imm. 109 aamma imm. 110-mut Inatsisartunut ilaasortap Agathe Fontain-ip siunnersuutaanut, naapertuuttumik sulianut ilaassasut.

Allannguutissat Akileraartarnermut Aqutsisoqarfiup politiit suleqatigalugit aannajaarniutinik nioqqutissanillu inerteqqutaasunik allanik misissuinerinut iluaqutaassasut isumaqarpugut.

§ 29 malillugu angalanermi angallataasut, umiarsuaappat, timmisartuup-palluuniit, tikinnerannut aallarnerannullu atatillugu **paasisutissaatinik**, inuttat ilaasullu pineqarpata, nassatat il.il pillugit Akileraartarnermut Aqutsisoqarfik piumasaqarpat **tunniussisinnaanissaq** pitsaasuvoq.

Ilanngullugu timmisartup mittarfimmi tikitsillugu uninngatitsisinnaaneq, paasisutissanik amigaateqartoqartillugu periarfissaalissaaq.

§ 30 –mi misissuisinnaalerneq ajorinngilarput. Taanna paragraffi atorlugu scannerilluni misissuisinnaaneq periarfissaareersoq ersarinnerusumik inatsisitigut tunngavissiissaaq.

Naggataatigut aningaasanik amerlasuunik inunnt nassartitat, allakkerivitsigulluunnit nassiussinikkut nalunaarutigineqartussaalernissaat aamma iluaraarput. 15.000 euronik amerlanerusut pinerluttaalisitsinerneq inatsimmik unioqqutitsinermik pasitsaassaqaraanni killigititaasoq minnerulersinnaanersoq eqqarsaatigeqqarput, taaneqartut annertoqimmata.

Ikinnerungaartummi atorlugit nassartitsisarneq kinguneqarsinnaammat nunatsinni annertunerungaartunik tuniniaanissamik pissarsinissamat.

Taamatut oqaaseqarluta siunnersuut aappassaaneerneqannginnermini aningaasaqarnermut akileraartarnermullu ataatsimiititaliamut ingerlateqqipparput.